



Sindikata srednjeg i visokog obrazovanja, odgoja, nauke i kulture BiH - SSVOONK BiH
Trade Union of Secondary and Higher Education, Nurture, Science and Culture of BiH-TUSHENSC BiH
Obala Kulina bana 1, Sarajevo, tel/fax:033 21 35 88
e-mail:ssvoonkbih@bih.net.ba, www.ssvoonkbih.ba

Broj:05-2-341/20

Sarajevo, 29. mart 2020.godine

ČESTITKA

POVODOM 30. GODINA RADA I POSTOJANJA SINDIKATA SREDNJEG I VISOKOG OBRAZOVANJA, ODGOJA, NAUKE I KULTURE BiH

Sindikata srednjeg obrazovanja BiH je osnovan 30. maja 1990. godine od grupe entuzijasta sa vizijom i željom za poboljšanje materijalno-pravnog položaja prvenstveno radnika u srednjem obrazovanju kao i aktivnog učešća u kreiranju cjelokupnog obrazovnog sistema u Bosni i Hercegovini. Vremenom su se Sindikatu srednjeg obrazovanja pridružili radnici iz oblasti visokog obrazovanja, nauke i kulture pa se 2007. godine mijenja naziv sindikata u Sindikata srednjeg i visokog obrazovanja, odgoja, nauke i kulture BiH. Sindikata djeluje na području Federacije BiH i ima oko sedam hiljada članova.

Od svog osnivanja, punopravni je član Saveza samostalnih sindikata BiH, a ujedno i punopravni član međunarodne organizacije sindikata obrazovanja Education International (EI) koji okuplja sindikate obrazovanja iz preko 200 zemalja svijeta.

SSVOONK BiH ima kvalitetnu i kontinuiranu saradnju sa granskim sindikatima u BiH, sindikatima obrazovanja zemalja iz bližeg okruženja, a sa evropskim sindikatima obrazovanja, nauke i kulture djeluje u okviru Evropskog komiteta sindikata obrazovanja (ETUCE).

Uprkos svim događanjima u periodu iza nas (rata i poraća, tranziciji i promjeni ustavno-pravnog uređenja, recesiji, pandemiji) SSVOONK BiH je djelovao i kontinuirano se razvijao.

Svi aktivni članovi, povjerenici, predstavnici u organima na svim nivoima organizovanja u proteklih trideset godina uz veliki trud i angažman, uz počesto otežan socijalni dijalog, dali su svoj puni doprinos u izradi i primjeni niza propisa kojima se uređuju oblasti srednjeg i visokog obrazovanja, odgoja, nauke i kulture.

Poseban značaj je na pregovaranju i zaključivanju Kolektivnih ugovora, kojima su uređena prava i obaveze radnika i poslodavaca iz rada i po osnovu rada.

U ovom teškom vremenu pandemije, kada se u situaciji nedovoljne tehničke opremljenosti, bez adekvatne priprema i dostatnog educiranja svih u tom procesu nametnula potreba za organizacijom online nastave i online života, članovi sindikata su dali svoj maksimalni doprinos da se nastavni proces kontinuirano odvija kako našim učenicima ne bi bilo uskraćeno znanje.

Ovu važnu godišnjicu smo planirali proslaviti onako kako i dolikuje jubileju, ali zbog opštepoznate situacije sa pandemijom to nismo u mogućnosti i stoga želimo na ovaj način uputiti čestitke svima koji su učestvovali u formiranju, djelovanju i rastu našeg Sindikata.

Koristimo ovu priliku da obavijestimo javnost da ćemo pozvati sve naše članove da iskoriste online nastavu i u saradnji sa resornim ministarstvima podrže promocije kupovine i korištenja domaćih proizvoda kako bi na taj način pomogli privredu naše zemlje.

Također, još jednom iznosimo jasan stav da smo apsolutno protiv bilo kakvih intervencija na Zakonu o radu (ZOR) jer je za iste potreban normalan ambijent uz učešće i konsenzus svih socijalnih partnera.

Svim članovima zaposlenima u ustanovama srednjeg i visokog obrazovanja, odgoja, nauke i kulture čestitamo Dan SSVOONK-a BiH, čestitamo ovih prethodnih 30 godina postojanja sa željom da budemo ustrajni i jedinstveni u budućem radu, jer samo tako ćemo biti dovoljno jaki da ostvarimo svoje ciljeve i prevladamo sve teškoće koje stoje pred nama.



PREDSJEDNIK

dr.sc Admir Terzić